

O le a le Uiga o le Eseta mo Au?

I le Eseta, tatou te faamanatuina ai le “aso e sili ona taua i le talafaasolopito”¹— o le Toetu o lo tatou Faaola o Iesu Keriso. O lenei vaega e totonugalemu i le fuafuaga o le fiafia a le Tama Faalelagi.

I le muai olaga, na filifilia ai Iesu Keriso e avea ma o tatou Faaola. Na Ia folafola mai o le a saunia le ala mo i tatou ina ia faamagaloina ai a tatou agasala ma toe foi atu i lo tatou aiga faalelagi.

O lena taeao muamua o le Eseta, na faataunuaina ai e Iesu Lana folafolaga. Na ia faatoilaloina le oti. O le taunuuga, “O Ia o le malamalama ma le ola o le lalolagi; ioe, o se malamalama e lē gata, e lē mafai lava ona faapouliuligia; ioe, ma se ola foi e lē gata, e lē mafai ona toe i ai se oti” (Mosaea 16:9).


O a faamanuiaga ua aumaia e le Toetu ia te oe?

FAAMATALAGA

1. Dieter F. Uchtdorf, “Faauta i le Tagata!” *Liahona*, Me 2018, 108.
2. Russell M. Nelson, “A'o Tatou Agai Faatasi Atu i Luma,” *Liahona*, Ape. 2018, 7.

Salamo

Ua fesili Iesu ia i tatou taitoatasi, “Pe tou te le foi mai nei ea ia te au, ma salamo ia outou agasala, ma liliu, ina ia ou faamaloloina outou?” Ua la folafola mai, “Ai se fia sau, ou te talia o ia” (3 Nifae 9:13-14). O a ni ou lagona pe a e salamo?



PAPE O'LEI MALE GETTY IMAGES

Toetu

E le maalofia le oti, ae o le manumalo o le Faaola i le oti e mautinoa ai o le a toetutu tagata uma — o le tino ma le Agaga e toe faatasia i le foliga atoatoa (tagai Alema 11:43). E faapefea ona aumaia e le malamalama o le Toetu le faamoemoe ia te oe?



O LE LEOLEO MAMOELELE, ASO POGSA I KOLOKOTA, MA O LEA TOOTUTU LU UMA TULUWE SAUNIA E I. MARK RICHARDS TUUGAMAU GAGAG O LE TOGAMAU SAUNIA E STEVE HART

Ola e faavavau

O le Togiola a le Faaola ua mafai ai ona maua le ola e faavavau, po o le faaeaga. Ina ia maua lenei faamanuiaga, e tatau ona tatou usiusitai i poloaiga. Na taua e Peresitene Russell M. Nelson le ala i le ola e faavavau “o le ala o feagaiga.”² O le a se mea e tatau ona tatou faia e mulimuli ai i lenei ala i le ola e faavavau?

